

JEDAN GRAD, JEDNA BORBA

Piše ko zna, smije i umije; izlazi kad treba i mora; štampa se u kućnoj radinosti.

A P E L

Medicinskim radnicima i radnicama Univerzitetsko-kliničkog centra u Sarajevu

Godinama ste se školovali, radili od jutra do mraka, odricali ste se odmora i slobodnog vremena, gledali ono što niko osim medicinara ne može da podnese.

Govorili su vam da tako mora. Koliko ste puta čuli ono "najodgovorniji poziv", "najplemenitije zvanje"?

Krajnji cilj svega toga trebao je biti da ljude liječite.

A šta vam sad daju da radite?

Daju vam da ŠTEDITE. Prisiljavaju vas da ŠTEDITE – na bolesnoj sirotinji.

Ništa od znanja i iskustva koje ste krvavim odricanjem stekli – ne možete primijeniti.

JER STE PRIMORANI DA ŠTEDITE.

Štedi se na bolesnima, mahom ubogima jer oni bogatiji su se odavno snašli.

Ljudi prose da bi išli u inostranstvo na liječenja

koja su se ovdje bez problema radila još prije 30 godina.

Preusmjeravaju vaše pacijente privatnicima, a vas drže gore nego u ratnim uslovima.

Aparati i instrumenti stare i kvare se, preparata nema, zaboravljate i ono što ste naučili jer vam NE DAJU da radite i učite.

Najgore od svega:

BILI STE HEROJI U BIJELOM - SAD HOĆE DA OD VAS NAPRAVE EGZEKUTORE!

Jer za mnoge od nas njihove 'uštede' znače - pogubljenje.

Neko umire brže jer nema da plati liječenje.

Neko umre polagano, tako što ga uvale u dugove koje cijela porodica otplaćuje decenijama ili na kraju biva izbačena na ulicu.

Znate li ko će na kraju ove priče nastradati ako se nešto ne promijeni?

Na početku, naravno, stradamo mi, vaši pacijenti. A poslije?

Vi i samo vi.

! Vi ćete gledati kako umiru pacijenti – i to ne zato što medicina nema lijeka nego zato što VLAST i VAŠA UPRAVA ŠTEDE NA NAŠIM ŽIVOTIMA. A umiraće ne samo od svojih bolesti za koje nema terapije, nego i od bakterija koje ste Vi prenijeli na svojim rukama jer nemate rukavica – ni rukavice vam ne kupuju!

! Vas će bolesnici psovati i kleti. Vas će unesrećene porodice zasretati na ulici da plaču, bjesne, prijete.

! Vama će početi stizati tužbe i krivične prijave.

! Vi ćete piti sredstva za umirenje dok se povlačite po disciplinskim komisijama i sudovima.

! Vama ćete govoriti da ne radite jer ste korumpirani i tražite samo plave koverte.

Niko na kraju neće pričati o sistemu koji je korumpiran i radi samo za bogate i moćne.

Za sve ćete na kraju uvijek i samo biti krivi – VI.

Zdravstvo za sve je jedna od najvećih vrijednosti koju smo izgradili. Vrijednost od koje za koju godinu ništa neće ostati.

Prosudite sami, šta je od ovoga sada stvarnost:

“Univerzitetski klinički centar Sarajevo teži da postane vodeća zdravstvena ustanova u regionu, učinkovit prijenosnik znanja i vještina potrebnih za kvalitetno educiranje zdravstvenih stručnjaka svih profila, ustanova koja će biti otvorena za nove ideje, inicijative i težnje, s ciljem

unaprijeđenja zadovoljstva svih interesnih skupina, sa naglaskom na pacijente, kojima će se kroz proces zdravstvene njege uz primjenu najsavremenijih dijagnostičkih postupaka pružati zdravstvene usluge vrhunskog kvaliteta.”

» **Do kada ćete služiti moćnima da postanu još moćniji i bogatima da postanu još bogatiji?**

» **Do kada ćete strahovati?**

» **Do kada ćete trpiti da slušate naredbe onih koji toliko manje znaju od vas, a žele za sebe prigrabiti sve vrijedno što je ovaj narod ikad stvorio?**

» **Jeste li vodeći ako ne rade aparati?**

» **Kakvo znanje prenosite ako vam ne daju raditi?**

» **Kako je bolje pacijentima koje vam ne daju liječiti?**

» **Kako pružati usluge vrhunskog kvaliteta ako se ne pružaju nikakve usluge?**

NE MOŽETE DOPUSTITI DA OVAKO NASTAVI.

KANTONALNE I FEDERALNE VLASTI I VAŠA UPRAVA UNIŠTAVAJU NAŠE I VAŠE ŽIVOTE. BILI STE HEROJI U BIJELOM – SAD VAS ONI KORISTE KAO EGZEKUTORE. POSTALI STE TAOCI NJIHOVIH PLJAČKAŠKIH AMBICIJA!

STUPITE U ŠTRAJK – POZOVITE GRAD DA STANE UZ VAS!

ZAHTIJEVAJTE SMJENU UPRAVE!

ZAHTIJEVAJTE ŠMJENE SVIH ONIH KOJI SU DOPUSTILI DA SE ŠTEDI NA LJUDSKIM ŽIVOTIMA.

MOŽEMO IH ZAUSTAVITI – VI I MI ZAJEDNO.

Nisu oni moćni nego parazitiraju na našoj slabosti.